

إبارشية البحر الأحمر
كنيسة الشهيد العظيم مار ميخا بالفردقة

ضد الوهم

"لَأَنِّي عَالِمٌ بِمَنْ آمَنْتُ.."
(2 تي 1: 12)

برعاية القس
موسى القس أيوب

إعداد
عماد إدوارد فهمي



مجموعة من الشباب حالياً بيسموا أنفسهم اللادينيين - يؤمنوا
بوجود إله ولا يؤمنوا بأي دين - ... الشباب دول عثروا في الله ...
يعني .. في حاجات في العقيدة المسيحية مفهوماش .. والنتيجة
... لا يوجد دين !!!!

شباب تانيين كانت مشكلتهم في وجود الشر المنتشر في العالم ..
فين الله !!؟؟ هل الله عاجز ولا مش عاجز يتخلص من الشر؟؟
في اللي بيحاسب العقيدة المسيحية بأخطاء عقائد أخرى !!!!
وفي وفي .. كل واحد منهم وعنده مشاكله ...
فيهم كثير عمل قناة علي اليوتيوب ينشر بيها الوهم اللي وصلوا
اليه ان الله لم يرسل كتاب ولا انبياء ولا اي شيء !!!! علشان كذا
جمعنا بعض افكارهم وقلنا نعرضها مع رد سريع ... لأن افكارهم
كثير وتحتاج لكتب علشان ترد عليهم نقطة نقطة ...
الله قادر أن ينير عقولنا وقلوبنا. أمين



اللي إنتوا فاكرينه علاقة وعشرة مع يسوع دا وهم !!! حاجة إسمها " الإيحاء "!!!.. ناس حطوا في دماغكم أن يسوع بيحبكم وانتوا صدقتكم !!! لكن حقيقتاً .. مفيش حاجة ...!! دي حاجة في العلم بيسموها بلاسيبوا placebo .. إيحاء يعني .. برشامه أو حاجة كدا يوهموا بيها المريض أنها هتشفيه وفعلاً المريض بيصدق ويحس انه خف ...!!! انتوا عايشين في البلاسيبوا ..وهم- محدش عايش في وهم غيرك انت ... وهم انك وصلت للحقيقة وفي الحقيقة انت في خدعة كبيرة

الإيحاء يا صديقي دا بيستخدم مادة غير حقيقية ليوهم بيها شخص ان فيها راحته...وشفائه ...


الإيحاء بيعتمد هنا علي ...

- 1- بساطة عقلية الفرد .. لأن الإيحاء مش بيأثر علي الجميع ... في عقليات عاليه بتكشف الإيحاء ببساطة ..
- 2- الثقة في الشخص اللي بيستخدم الإيحاء مع غيره.
- 3- تأثير مؤقت ...مفيش خداع بيستمر للأبد .. بينكشف .. عاجلاً أم آجلاً بيتكشف...

4- اللي بيستخدم الإيحاء هو شخص له مصلحة ما ... بيجرب تجربة .. بحث عن الشهرة .. مال ... نفوذ وسيطرة

لكن ... المسيحية ... العقيدة المسيحية .. بتعاليمها النقية السامية ... ايه مما سبق من عناصر الإيحاء ينطبق عليها؟؟
- هل كان للمسيح وللتلاميذ والآباء القديسين والشهداء مصلحة ما علشان كدا اخترعوا الديانة المسيحية ونشروا تعاليمها وتفاسيرها !!!؟؟
دول تم اضطهادهم واستشهدوا كمان في مقابل تبشيرهم وكرازتهم بالتعاليم دي ... دا غير انهم عاشوا فقراء طول حياتهم ... وف خطر دايم ... وفيهم اللي تم نفية ... وحرمانه من اهله واسرته ... وفيهم اللي تعرضت انهم يعرفوها من هدمها علشان يفضحوها ... وفيهم اللي فضلوا يعذبوه سنين ... و ... امثله كثير لا مجال لحصرها .. ايه مصلحتهم !!!؟؟ استفادوا ايه انهم اخترعوا عقيدة وينشروها ويدافعوا عنها بحياتهم !!!؟؟ دي نقطة ... هل تعاليم المسيحية غير حقيقية !!!؟؟ خلال 50 سنة تعاليم الإنجيل كانت قد انتشرت في العالم القديم كله ... غيرت ملايين البشر للأفضل .. ارتقت بشعوب ... رفعت الإنسانية كلها من حالة الهمجية والبداءة لحالة الرقي والتطور الإنساني والثقافي والوجداني والاجتماعي .. وغيره ... فين بقى الإيحاء هنا؟؟؟ فين الخداع !!!؟؟
ناس تغيرت ... بقيت افضل ... ومش تغيير مؤقت .. لا .. تغيير دائم ... ومش شخص ولا اتنين .. لا .. ملايين .. ملايين .. في كل العصور .. والبلاد .. والثقافات .. والخلفيات الدينية والثقافية والبيئية ... كلهم .. تغيروا للأفضل .. فلاحين .. دكاتره .. صيادين .. اميين .. علماء .. فنانين .. صانعي اذنية .. مهندسين .. كتّاب ومفكرين ... بوابين .. نجارين ... فلكيين .. شباب .. شيوخ .. بنات ... ربات بيوت ... شرقاً وغرباً شمالاً وجنوباً كله آمن .. جرب .. عاش حياة افضل ... فهم نفسه ومن حوله .. وعرف افضل وادق واجمل صورة عن الله وبعد كدا تقولي إيحاء ... إيحاء ايه دا اللي يغير كل البشرية !!!
دي تخاريف معششه ف دماغك مخلياك اعمى مش شايف الحقيقة ... وعلشان انت اعمى فاكر ان الدنيا ضلّمة ... !!

صديقي .. المسيحيين بجد عايشين حياة حقيقية مع المسيح ... الإيمان مش شوية معلومات وافكار وبس .. لا ... دي حيااااااااااة علاقة حب ...



- ايه عرفكم أن الكتاب المقدس اللي معاكم دا وحي من عند ربنا ؟؟؟؟ مش يمكن كلام بشر ... تأليف ؟!!!!!!

وليه بتقولوا انه طالما عدد المسيحيين في العالم 2.4 مليار شخص دا يبقى دليل علي صدق المسيحية... طيب ماهو في 5 مليار شخص مبيؤمنوش بالمسيحية .. هل كدا هما اللي صح وانتوا غلط علشان عددهم اكثر...؟؟؟؟!!!!

- حاجات كتير...مفيش ولا خطأ جغرافي ... أو تاريخي .. أو علمي ... شهادة الآثار والتاريخ لأحداثه ... إتساق موضوعاته مع العقل ... احساسك انه كتاب واحد رغم انه 73 كتاب ..(سفر)... استمرارة مئات السنين رغم المحاولات المستميه للقضاء عليه ...وحاجات كتير ..بس سيبك من كل دا حاجه واحدة بس بتخليني متأكد ان الكتاب المقدس هو وحي من عند ربنا قدرته العجيبه علي التغييرتغيير موسي الاسود الي قديس. تغيير شاول الي قلبه بيطلع نار من الكراهية الي انسان كارز مرهف الحس يشعر بمسؤوليته عن خلاص من حوله ويشفق عليهم. تحويله لبلاد وشعوب كانوا من آكلي لحوم البشر Men which eat Men ... حولهم الي حملان وديعه هادئه رقيقة ...!!!! يغريك من شيطان الي ملاك.


يخليك دائماً متجه للافضل ..والأعمق ..والأرقى ... تفهم العالم كله بشكل واضح
... تحب الجميع ... يكملك بصفات الإنسانية التي حاول علماء الاجتماع عبر
العصور تشجيع الإنسان علي بلوغ بعضها. يجعلك محباً لوطنك ..واسرتك ...
شهماً .. معطاءً قنوع .. طموح ... امين ... متعاطف ... صادق ...شجاع
... وديع ... ناجح ... عفيف نزيه ... نقي ... واعى ..فاهم ...صبور
...شفوق ..كريم ... متعفف ...فرحان .. وكتييبيير صفات راقية اخري

هل دا دليل انه كتاب من تأليف بشر؟؟! مفكرش ... اما فكرة العدد ..ففعلاً
المسيحية هي اكثر الأديان انتشاراً ... ودا دليل فعلاً علي صدقها ..ايه اللي
يخلي الناس تسبب عقيدتها وتؤمن بالمسيحية غير اقتناعهم انها عقيدة صادقة
حقيقية؟؟؟

أما ال خمسة مليار اللي بتتكلم عنهم دول .. فدول مش دين واحد .. دول
ادياااان كتيبيير ... مليار هندي .. مليار صيني ... مليار ونصف مسلم ...مليار
ملحد ...مش دين واحد ... فبلاش مغالطات ...

المسيحية انتشرت بالكراسة باله من كتر حبه للبشر نزل ومات علي الصليب ...
انتشرت بالحب .. بالإقناع .. بدون اراقة نقطة دم واحده عبر التاريخ ... لم
نغزوا احداً ...لم نستخدم سيفاً ... لم نجبر احد علي الدخول في المسيحية ... لم
نحتل دول ونفرض عليهم عقيدتنا ... لم نتناسل مثل الجراد لكي يزداد عددا
...لم نخدع احد ...

المسيحية انتشرت بالصدق والحق والحب ... فلا يُقارن انتشار المسيحية
بانتشار غيرها من الأديان لازم النقطة دي تكون واضحة تماماً ...



- ليه بتظنوا انه علشان في شهداء في المسيحية تبقي ديانة حقيقية سماوية .. طيب ما في اديان تانيه عندهم شهداء ... هل هم علي حق ايضاً ؟؟؟!!!!

- يعني انت عايز تساوي واحد استشهد علشان مضحك عليه ومخدوع بواحد استشهد لأنه عارف ومختبر عشرة حقيقته مع المسيح ؟؟؟؟؟. عايز تساوي واحد استشهد بدون ما حد يطمعه انه بموته هيعيش حياة جنسية ماجنة مع نساء لا حصر لها مع واحد فهموه انه بمجرد موته سينهل من الجنس ليل نهار ؟؟؟!!!! واحد عايز يستشهد علشان يعيش مع حبيبته المسيح في فرح روعي دائم تساويه مع واحد استشهد علشان ياكل مالذ وطاب ويشرب انهار من الخمر ؟؟؟!!!! انت تعرف ان الكتاب المقدس تجنب تماماً ذكر تفاصيل الملكوت وتفصيل جهنم علشان شوقنا ورغبتنا في ملاقات المسيح مبيقاش مبني علي اساس طمع في عطايا أو خوف ورعب من عقاب ؟؟؟!! هل بتساوي واحد فهم وعرف ودرس وحس وشعر واختبر وعاش مع إلهه بواحد مضحك عليه ومعموله غسيل مخ brain washing بيروح يفجر نفسه ف اطفال وناس أبرياء علشان فهموه ان ربنا عايز كذا .. ؟؟؟!!!! ايه المنفعة الحسية الجسدية اللي عادت علي شهداء المسيحية ؟؟ لا شيء ... هل يتساوى شهيد مسيحي مع شهيد آخر مر بأزمة وصراع داخلي علشان يقتنع ان الله عايزه يقتل كل البشر اللي مش بتؤمن بنفس ايمانه .. لدرجة انه في النهاية يتحول الي وحش شرس يقتل ويغتصب وينهب باسم الدين بلا اي وازع من ضميرة ؟؟؟! صديقي .. نحن لا نمر بصراع داخلي ... الشهيد المسيحي هو شخص بعيد اقترب خطوة خطوة من مصدر النور والجمال والحب حتى امتلأ قلبه بالحب مثل سيده لدرجة ان كثيرين من شهداؤنا كانوا يصلوا لقاتليهم مثل استفانوس وغيره ... !!!! هل يتساوى هذا مع ذاك ؟؟؟!!!!

وايه رأيك انه في حوار بيلاطس مع السيد المسيح ..المسيح قال له انه فعلاً هو ملك اليهود !!!.. "فَسَأَلَهُ بِيَلَاطُسُ قَائِلًا: «أَنْتَ مَلِكُ الْيَهُودِ؟» فَأَجَابَهُ وَقَالَ: «أَنْتَ تَقُولُ»." (لو 23: 3)...عبارة انت تقول في العصر دا معناها ايوووه yes... يبقى بعد ما قال له ايوه انا ملك اليهود ..- وبيلاطس هنا طبعاً مش بيسأل عن الملك الروحي - يروح بيلاطس يثبت فكرة ملك المسيح بسرقة لجسده علشان اليهود يصدقوا انه فعلاً المسيا الملك المنتظر ..؟؟؟!!!

الخلاصة .. السيد المسيح فعلاً أكد مراراً وتكراراً انه ملك روعي ... لكن اليهود ابدأ ما فهموا كدا ...وشىء آخر .. فلنفترض ان خطة الرومان نجحت .. ونشروا أكذوبة قيامة المسيح علشان اليهود يأمنوا بيه كملك روعي ويبطلوا يعملوا ثورات وانقلابات ضد الرومان ...هل فعلاً اليهود معملوش ثورات بعد قيامة وصعود المسيح ..؟؟؟!!

دا من كتر قلاقلهم وثوراتهم وانقلاباتهم صدرت الأوامر سنة 68 م بمحاصرة وتدمير اورشليم دي تماماً ..وهدم وحرق الهيكل ..ودا اللي تم سنة 70 م ..كما تنبأ عنه الرب تماماً ...يعني الخطة الوهمية دي فشلت ...فهل بعد هذا الفشل الذريع فضل الرومان متكتمين علي هذا السر الرهيب انهم هم من اخترع قصة القيامة ..؟؟؟!!!

يا صديقي .. انت عايش في وهم غرسه جواك ابليس ..وهم انك بخيالاتك وتهيؤاتك عايش في الحقيقة المطلقة .. فووووق احسن ..قبل فوات الأوان



ضربة الأبقار ... إله متضايق من فرعون ... ماشي مفيش مشكلة .. فرعون
غلطان .. فرعون سيء ... ايه ذنب ولاد المصريين ان هذا الإله يموتهم ...؟؟؟!!!
دا عدل ؟؟؟! حاجه عجيبه ... فرعون يغلط والاله يقرر ان المصريين هما اللي
يدفعوا الثمن !!! فعلاً .. إله عادل !!!

- ما انا قلت لك قبل كدا ... مشكلة كل من هم مثلك .. انكم بتفهموا غلط وحسب
الفهم الخاطيء دا تقيموا نفسكم قضاة وديانين لله الديان العادل ... !!! شفت
مهزلة اكتر من كدا ؟؟؟!!!

اولاً : من فين جيببت فكرة ان ضربة الأبقار كان المفروض تكون موجهه
لفرعون فقط بس ربنا عاقب المصريين معاه ؟؟؟!!! حبيبي ... الضربات
العشر كلها موجهه للمصريين ... فرعون وشعبه ...
انت متخيل ان ضربة الجراد مثلاً أو البَرَد او تحويل النهر الي دم كانوا
موجهين فقط لفرعون ؟؟؟!!!

عموماً ... اللي هيوضح الموضوع هو النص الكتابي .. تعالي كدا نشوف سفر
الخروج قال ايه ...

سفر الخروج 1

8 ثُمَّ قَامَ مَلِكٌ جَدِيدٌ عَلَى مِصْرَ لَمْ يَكُنْ يَعْرِفُ يُوسُفَ.

9 فَقَالَ لِشَعْبِهِ: «هُؤَذَا بَنُو إِسْرَائِيلَ شَعْبٌ أَكْثَرُ وَأَعْظَمُ مِنَّا.

10 هَلَمْ نَحْتَالْ لَهُمْ لِيَلَّا يَنْمُوا، فَيَكُونُوا إِذَا حَدَثَتْ حَرْبٌ أَنَّهُمْ يَنْضَمُّونَ إِلَى أَعْدَانَا وَيُحَارِبُونَنَا وَيَصْعَدُونَ مِنَ الْأَرْضِ».

11 فَجَعَلُوا عَلَيْهِمْ رُوسَاءَ تَسْخِيرٍ لِكَيْ يَذْلُوهُمْ بِأَثْقَالِهِمْ، فَبَنَوْا لِفِرْعَوْنَ مَدِينَتَيْ مَخَازِنَ: فِيثُومَ، وَرَعْمَيسَ.

12 وَلَكِنْ بِحَسْبِ مَا أَذْلَوْهُمْ هَكَذَا نَمَوْا وَامْتَدَّوْا. فَاخْتَشَوْا مِنْ بَنِي إِسْرَائِيلَ.

13 فَاسْتَعْبَدَ الْمِصْرِيُّونَ بَنِي إِسْرَائِيلَ بِغُنْفٍ،

14 وَمَرَرُوا حَيَاتَهُمْ بِعُيُودِيَّةٍ قَاسِيَةٍ فِي الطِّينِ وَاللِّبْنِ وَفِي كُلِّ عَمَلٍ فِي الْحَقْلِ. كُلَّ عَمَلِهِمُ الَّذِي عَمَلُوهُ بِوَاسِطَتِهِمْ غُنْفًا... متهياي الكلام واضح... فرعون مصر بيتباحث مع الشعب ازاى يذلوا ويمرروا حياة العبرانيين... الشعب كله سامع وموافق وكمان اشتركوا في الخطة الشريره...!!!!
واشتركوا في تنفيذها كما ان...!!!! بلا رحمة... بلا خوف من عقاب سماوي.... بلا شفقة... بلا اي ذرة انسانية...!!!!

النصوص التالية هتأكد لك اكر ان الشعب هو المدان ...

سفر الخروج 3: 9

وَالآن هُوَذَا صَرَخَ بَنِي إِسْرَائِيلَ قَدْ أَتَى إِلَيَّ، وَرَأَيْتُ أَيْضًا الصِّيقَةَ الَّتِي يُضَاقِقُهُمْ بِهَا الْمِصْرِيُّونَ،

سفر الخروج 6: 5

وَأَنَا أَيْضًا قَدْ سَمِعْتُ أَنِّي بَنِي إِسْرَائِيلَ الَّذِينَ يَسْتَعْبِدُهُمُ الْمِصْرِيُّونَ، وَتَذَكَّرْتُ عَهْدِي.

سفر الخروج 6: 6

لِذَلِكَ قُلْ لِبَنِي إِسْرَائِيلَ: أَنَا الرَّبُّ. وَأَنَا أَخْرَجُكُمْ مِنْ تَحْتِ أَثْقَالِ الْمِصْرِيِّينَ وَأُنْقِذُكُمْ مِنْ عُيُودِيَّتِهِمْ وَأَخْلِصُكُمْ بِذِرَاعٍ مَمْدُودَةٍ وَبِأَحْكَامٍ عَظِيمَةٍ،

سفر الخروج 6: 7

وَأَتَّخِذُكُمْ لِي شَعْبًا، وَأَكُونُ لَكُمْ إِلَهًا. فَتَعْلَمُونَ أَنِّي أَنَا الرَّبُّ إِلَهُكُمْ الَّذِي يُخْرِجُكُمْ مِنْ تَحْتِ أَثْقَالِ الْمِصْرِيِّينَ.

ولهذا الرب قال أنقذهم من يد المصريين وليس فرعون فقط

سفر الخروج 3: 8

فَنَزَلْتُ لِأُنْقِذَهُمْ مِنْ أَيْدِي الْمِصْرِيِّينَ، وَأُصْعِدَهُمْ مِنْ تِلْكَ الْأَرْضِ إِلَى أَرْضٍ جَيِّدَةٍ وَوَاسِعَةٍ، إِلَى أَرْضٍ تَفِيضُ لَبَنًا وَعَسَلًا، إِلَى مَكَانِ الْكُنْعَانِيِّينَ وَالْحِثِّيِّينَ وَالْأَمُورِيِّينَ وَالْفِرِزِّيِّينَ وَالْحَوِيِّينَ

وفي قتل ابناء العبرانيين يقول الكتاب المقدس

سفر الخروج 1

22 ثُمَّ أَمَرَ فِرْعَوْنُ جَمِيعَ شَعْبِهِ قَائِلًا: «كُلُّ ابْنٍ يُولَدُ تَطْرَحُونَهُ فِي النَّهْرِ،
لَكِنَّ كُلَّ بِنْتٍ تَسْتَحْيُونَهَا».... شايف؟؟؟ أمر عام لكل الشعباللي يلاقي
جارته العبرانية انجبت ولد ياخده ويغرقه في البحر!!!! ايه بشاعه
وقسوة اكثر من كدا ؟؟؟!!!!

نقطة تانية .. هل ربنا حذر وانذر المصريين قبل ضربة الابرار ؟؟؟!!
ايوه طبعا ... تسع ضربات وهو يحذرهم ومفبييش فايده!!!!

وفبل ضربة البرد حذرهم وقال لهم :

" فَالآن أَرْسِلْ أَحْمَ مَوَاشِيكَ وَكُلَّ مَا لَكَ فِي الْحَقْلِ. جَمِيعُ النَّاسِ وَالْبَهَائِمِ
الَّذِينَ يَوْجَدُونَ فِي الْحَقْلِ وَلَا يُجْمَعُونَ إِلَى الْبُيُوتِ، يَنْزِلُ عَلَيْهِمُ الْبَرْدُ
فَيَمُوتُونَ».

فَالَّذِي خَافَ كَلِمَةَ الرَّبِّ مِنْ عَبِيدِ فِرْعَوْنَ هَرَبَ بِعَبِيدِهِ وَمَوَاشِيهِ إِلَى الْبُيُوتِ.
وَأَمَّا الَّذِي لَمْ يُوَجِّهْ قَلْبَهُ إِلَى كَلِمَةِ الرَّبِّ فَتَرَكَ عَبِيدَهُ وَمَوَاشِيَهُ فِي الْحَقْلِ."
(خروج 9 : 19) .. يعني المصريين كانوا عارفين ..وفي البعض سمع
وصدق علشان شاف الضربات اللي قبل كدا ..وفيهم اللي مصدقش وحل
عليه العقاب وخسر مواشيه!!!!

طيب هل الضربات دي كان لها فايده غير اخراج بني اسرائيل من مصر
!؟؟؟

في الحقيقة ايوه ... شوف كدا النص دا معايا

"وَأَشَدُّ قَلْبَ فِرْعَوْنَ حَتَّى يَسْعَى وَرَاءَهُمْ، فَاتَّмَجَّدَ بِفِرْعَوْنَ وَبِجَمِيعِ جَيْشِهِ،
وَيَعْرِفُ الْمِصْرِيُّونَ أَنِّي أَنَا الرَّبُّ». فَفَعَلُوا هَكَذَا. " (خر 14: 4) ... ويعرف
المصريون أنني أنا الرب ... دا الهدف ...



اللي بيضحكني كثير أن المسيحيين بيقولوا فاكرين ومصدين أن المسيحية الموجودة حالياً هي نفسها المسيحية اللي كانت في العصور الأولى !!!!

يا حضرات المسيحية في العصور الأولى كانت " سلطة "....!!!! كان في اناجيل مزورة جنب الأناجيل الحقيقية !!!! كان في مسيحيين بيؤمنوا بالناموس والمسيح اسمهم المتهودين!!!! كان في مسيحيين بيقولوا ان المسيح مكانش له جسد !!!! وهكذا ...مكانش في حد عارف الصح من الغلط ... زي ما قلت ..كانت سلطة !!!!!

- علشان نثبت أن المسيحية الحالية بعقائدها عن التوحيد والتثليث والتجسد والفداء والخلاص وعصمة الكتاب المقدس والأسرار هي نفسها المسيحية اللي كانت في القرون الأولى دا شيء سهل ... نجيب كتابات الآباء في أول خمس قرون ونشوف هل هي نفس التعاليم ولا لا ؟؟... .

(أرجوا الرجوع الي كتاب عندما يرد الآباء بجزئيه)...

أما أنه في بداية المسيحية كانت في بدع وهرطقات دا شيء لا ننكرة !... السيد المسيح بنفسه واجه طائفة الصدوقيين لأنهم كانوا بينكروا عقيدة قيامة الأموات ... وعرف المرأة السامرية العبادة والسجود الحقيقي يكون فين وفي سفر الرؤيا وبخ أسقف برغامس لأنه سايب بدعة النيقولاويين !! يعني كان في بدع .. ومازال في بدع ...

ودا وارد علشان البشر طبعهم كدا يحبوا يألفوا من دماغهم ... بس كمان في اللي عنده امانة وملتزم بتعاليم آباءه وماشي علي نفس خطاويهم ... دا غير أن الروح القدس لا يمكن أن يترك شعب الكنيسة في اي عصر يهلك كله لأن الله لا يترك نفسه بلا شاهد كان في بدع .. وكان في اللي متمسك بالتعليم الصحيح ويكشف ويرد علي البدع دي ... وعملوا مجامع حضرها اساقفة العالم المسيحي كله في الوقت دا وحكموا علي صاحب البدعة بالحرمان ... وكتبوا كتب - موجوده حتى الآن - يفندوا ويكشفوا ويردوا فيها علي البدع دي ... ايه المشكلة ??? السلطة تكون لما محدش يعرف الفرق بين الحق والباطل ... ودا محصلش طووووول كل التاريخ المسيحي ... حتى حركة التهود اللي بتقول عليها دي ... بولس الرسول واجهها بشدة .. ورد عليها في رسالة ... وسافر الي اورشليم وطلب من الرسل عقد مجمع لتوضيح الأمور ... وفعلاً حصل ... تبقى فين " السلطة " دي بقى ؟؟؟!!!!

هو كون رجال الشرطة الشرفاء بيقبضوا علي الحرامية والفاستين دا معناه ان محدش بقي عارف الشريف من الفاسد ؟؟؟!!!! منطق ايه دا ؟؟؟!!!!!!

أما بالنسبة للأناجيل المزورة ... فنحن ايضاً لا ننكر وجود اناجيل مزورة في بدايات المسيحية بجانب الأناجيل الحقيقية ... لكن ... هل أبأونا سكتوا ؟؟؟ لا ... دافعوا عن الحق بأرواحهم ... ذكروا هذه الأناجيل وفندوها ... وكشفوا زيفها وكذبها ايه المشكلة عندك أن الفرق بين الحق والباطل يكون في منتهى الوضوح ؟؟؟!!!! هو وجود ليل ونهار معناه انه مفيش نهار ؟؟؟!!!!!! أو أن الناس مش عارفه تفرق بين الليل والنهار ؟؟؟!!!! دا تفكير " سلطة " ...!

ولعلمك .. بعض الآباء اخطأوا في بعض الأمور البسيطة ... طيب احنا ايه عرفنا اننا اخذنا واستلمنا التعليم الصحيح ؟؟؟ من ثلاث اشياء :
1- التعليم اللي يتوافق مع الكتاب المقدس نقله ... غير كدا لا ...
2- إجماع آراء الآباء علي مدي العصور علي تعليم معين ...
3- الطقوس ... الطقس هو حارس للعقيدة ولا يجعلها تتحرف
أبأونا علي مدار القرون مارسوا نفس الطقوس من معمودية ... ميرون ... مسحة مرضى .. إفخارستيا ... اعتراف ... كهنوت ... زيجة .. وغيره ...
فلا ثقلة علينا نحن عالمين بمنا آمنة

وفي النهاية هقولك علي قصة بسيطة حقيقية حدثت مع القديس لوقا الإنجيلي تؤكد اللي قلته ليك في بداية المسيحية ناس كتير استهوتهم فكرة أنهم يألفوا قصص عن المسيح ..!!!! لسببين ... الكرازة انتشرت بقوة وناس كتير آمنوا ومشتاقين انهن يعرفوا اكثر عن الرب ... ولأن في بعض السنين في حياة المخلص لم تذكر الأناجيل القانونية الأربعة عنها شيء ... علشان كذا ... بعض منحرفي الفكر بدأوا يألفوا قصص عن حياة السيد المسيح وخصوصاً ..طفولته ... وظهرت اناجيل زي ..انجيل الطفولية ...!! انجيل بطرس ...!!!! انجيل نيقوديموس .. انجيل مريم العذراء ...!!!!!! القديس لوقا الإنجيلي عمل ايه بقى ؟؟؟؟ بدأ بإرشاد الروح القدس يكتب إنجيله ... وقال في مقدمته :

" . إِذْ كَانَ كَثِيرُونَ قَدْ أَخَذُوا بِتَأْلِيلِ قِصَّةٍ فِي الْأُمُورِ الْمُتَيَقَّنَةِ عِنْدَنَا،

كَمَا سَلَّمَهَا إِلَيْنَا الَّذِينَ كَانُوا مِنْذُ الْبَدْءِ مُعَايِنِينَ وَخُدَّامًا لِلْكَلِمَةِ، رَأَيْتُ أَنَا أَيْضًا إِذْ قَدْ تَتَبَعْتُ كُلَّ شَيْءٍ مِنَ الْأَوَّلِ بِتَدْقِيقٍ، أَنْ أَكْتُبَ عَلَى التَّوَالِي إِلَيْكَ أَيُّهَا الْعَزِيزُ ثَاوُفِيلُسُ، لِتَعْرِفَ صِحَّةَ الْكَلَامِ الَّذِي عَلِمْتَ بِهِ. " (انجيل لوقا 1 : 1 - 4) ... النص دا يعرفك التالي :

1- إقرار بوجود بعض المنحرفين عقائدياً اللي في عصره بدأوا يألفوا من خيالهم قصص عن الرب.

2- القديس لوقا استلم الحقيقة من اللي عاينوها من بدايتها ..زي القديسة العذراء مريم والتلاميذ

3- القديس لوقا لم يكتفي بذلك ..بل بنفسه ... تتبع كل المعلومات بتدقيق

4- لم يكتفي بمعرفته للحقيقة لكن ...كان لازم ينشرها ...كتابة ..

5- الهدف ...وضوح الحقيقة من الأكاذيب والوهم ...علشان كل واحد يعرف ان التعليم اللي استلمه صحيح وادي الدليل عليه ...انجيل مكتوب كل الوضوح دا ...وتقولي سلطة ...!!!! يا راجل عيب عليك ...

دخوله أورشليم ... مفيش ملك في التاريخ دخل بلد منتصراً وراكب علي حمار
... لما زكريا النبي يقول ... هعطيكم اشارة انه المسيح ابن داود بالجسد الملك
الحقيقي انه هيدخل أورشليم منتصر وراكب علي حمار .. فيحصل ... يبقى عندنا
دليل برضه قوي نستشهد بيه امام المعاندين والمقاومين ان دا هو المسيح
وليس آخر وان اللي هيخونه هيكون من تلاميذه ... وبتلاتين فضه ...
وهيشترؤا بيها حقل ... وانه هيموت بالصلب مش بالرجم زي عادة اليهود
وانهم هيقسموا هدومه ويلقوا عليها قرعة .. وانه سيدفن في قبر جديد
وكتيبيير تفاصيل مميزة ودقيقة تؤكد ان دا هو ... المسيح الآتي لخلاص العالم
...

نجي بقى للنقطة التانيه ... موضوع النبوة الغلط ... قبل ما تنتقد ادرس تاريخ
الشعوب والأديان ... اليهود يا حبيبي كانوا بيقسموا العهد القديم ثلاث اقسام :
1- الشريعة ... ودي بتشمل التوراة والأسفار التاريخية.

2- المزامير .. ودي بتشمل ال 151 مزمور والأسفار الشعرية.

3- أرميا ودا بيشمل كل اسفار الأنبياء الكبار والصغار...

طيب ليه الجزء الثالث سموه ارميا ؟؟؟.

علشان بادىء بسفر إرميا النبي..... فالنبوة فعلاً قالها زكريا النبي ... لكن ..
موجوده في القسم الثالث من الكتاب المقدس اللي اسمه ارميا ...

زي ما احنا نقول ايه من رسايل بولس الرسول مثلاً ونقول انها موجوده في
العهد الجديد من قبيل اطلاق الجزء علي الكل ... وضحت دي ؟؟؟



بتضحكني قوي كلمة " الله محبة " دي ...!!!

الله محبة بس سايب الشر في العالم حتى صار العالم جحيماً.

الله محبة .. ويخلي الناس تقتل بعض .. وتسرق .. وتزني ... وتظلم .. وتكذب ..
وتغش ...!!!!!! الله محبة .. وهو السبب الرئيسي في الألم اللي بيعيشه ملايين الناس
علي الأرض !!!!!!! انا لا احب هذا الإله ...

- حبيبي ... في فرق بين إرادة الله .. وسماح الله ... الله يريد "الَّذِي يُرِيدُ أَنْ جَمِيعَ
النَّاسِ يَخْلُصُونَ، وَإِلَى مَعْرِفَةِ الْحَقِّ يَقْبَلُونَ." (1 تي 2: 4) ... دي ارادة الله ... دا
اللي عايزه ربنا .. اننا نعرف الحق ونخلص .. الله يريد لنا الخير فقط لأنه
قدووووس بلا شر ... " قُدُوسٌ بِلَا شَرٍّ وَلَا دَنَسٍ، قَدْ أَنْفَصَلَ عَنِ الْخُطَاةِ وَصَارَ
أَعْلَى مِنَ السَّمَاوَاتِ " (عب 7: 26) ... هو دا الله الحقيقي .. مش الله المشوه اللي
في فكرك وبتقول مش بحبه ...!!!!!! طيب دي ارادة الله ... ايه بقى سماح الله ???
الله لا يريد الشر .. لكن .. بيسمح بيه ...!!
ليه ??? لسبيين :

1- الله خلق الإنسان حر الإرادة ... هو حر ..يعمل الخير .. يعيش في الشر .. هو
حر ... "أَشْهَدُ عَلَيْكُمُ الْيَوْمَ السَّمَاءَ وَالْأَرْضَ. قَدْ جَعَلْتُ قُدَّامَكَ الْحَيَاةَ وَالْمَوْتَ. الْبَرَكَةُ
وَاللَّعْنَةُ. فَاخْتَرِ الْحَيَاةَ لِي تَحْيَا أَنْتَ وَنَسْلُكَ،" (تث 30: 19) .. كلااااام واضح ...

ربنا مخلقشي الإنسان زي ال robot .. الإنسان الآلي ... احنا معندناش
حاجه اسمها .. المكتوب علي الجبين لازم تشوفه العين ... ولا القدر .. ولا
القسمة والنصيب .. دا فكر مش مسيحي.

ربنا مقالشي للقاتل اقتل .. ولا للسارق اسرق ... المشكله ان بعض
المسيحيين المتدينين لما يحبوا يصبروا واحد واقع في مشكلة يقولوا له "
معلش يا حبيبي دي ارادة ربنا "!!!!!! واحد سكران وسابق عربيته بسرعه
شديده .. خبط طفل وموته ... نقول لأمه .. اصبري يا حبيبي .. دي إرادة
ربنا ..!!!!

هو ربنا قاله اسكر ؟؟؟!! قاله امشي بسرعة الصاروخ في مكان زحمة ؟؟؟.
طبيعي ان الأم دي تسأل نفسها .. وليه ربنا يريد يموت ابني ؟؟؟ وبعد فترة
.. يتكون عندها فكرة ان الله دا .. ظالم !!! قاسي !!! لا يرحم !!!!
للأسف .. احنا بسذاجة شوهدنا صورة ربنا امام الناس ... الله يا صديقي لا
يجربنا بالشر. "لَا يَقُلْ أَحَدٌ إِذَا جُرِّبَ: «إِنِّي أُجَرِّبُ مِنْ قِبَلِ اللَّهِ»، لِأَنَّ اللَّهَ
غَيْرُ مُجَرَّبٍ بِالشَّرِّ، وَهُوَ لَا يُجَرَّبُ أَحَدًا." (يع 1: 13) ...

2- الشيء الثاني ... هايزك تعرف ان الأرض مش مكان الراحة والنعيم ...
الأرض مكان التجربة .. "فَاتَنَا نَعْلَمُ أَنَّ كُلَّ الْخَلِيقَةِ تَيْنُ وَتَتَمَخَّضُ مَعًا إِلَى
الْآنَ." (رو 8: 22) ... الأرض مكان أنين .. وحياة مثل ألم المخاض ...
لكن ... "وَلَكِنْ الَّذِي يَصْبِرُ إِلَى الْمُنْتَهَى فَهَذَا يَخْلُصُ." (مت 24: 13) ... دا
غير ان الله مش بيسيبننا لوحدنا .. "وَهَا أَنَا مَعَكُمْ كُلَّ الْأَيَّامِ إِلَى انْقِضَاءِ
الدَّهْرِ." آمين. " (مت 28: 20) افهم .. وشيل الوهم من مخك



لما تسأل مسيحي متدين " هو الله خلقنا ليه؟؟ " علي طول يقولك " الله خلقنا
علشان بيحبنا !!! " من فين جيببتوا الافتراض دا ؟؟؟!! الوهم دا اللي معشش في
دماغكم ان هذا الإله بيحبكم ما يمكن خلقنا ووضعنا في الأرض كمنفى لنا ...!! مكان
ينفينا فيه وهو ولا هو مهمم بينا ...!!! لو أنا جيببت قطعة .. اشتريتها .. والقطعة
تخلت اني علشان بأكلها واشربها يبقى كدا انا بحبها !!! مع اني جايبها علشان
تخلص علي الفيران اللي في البيت مش اكثر !!! دا عيب القطعة اللي وضعت الأوهام
دي في دماغها ... هكذا البشر .. وضعوا في عقولهم وهم ان هذا الإله بيحبهم ...مع
أن الحقيقة غير كدا تماماً

شئ آخر ... اللي بينفوه بيعزلوه في مكان ما بعيداً عن الناس الكويسين
... طيب احنا بقى ربنا عزلنا من مين ؟؟؟!! وهل معنى كدا ان كل البشر ..
كلهم .. وحشين علشان كدا ربنا نفانا كلنا علي كوكب الأرض ؟؟؟!!!! كل
البشر في كل الأزمان والعصور والأجناس والمراحل العمرية من اطفال
وصبيان وشباب وشيوخ وحيوانات ونباتات كل دا ارتكب شرور علشان كدا
ربنا نفانا علي الأرض ؟؟؟!! بدمتك دا كلام ؟؟؟!!! وبعدين اللي بينفوه دا
مسيره بيرجع لوطنه الأصلي بعد انقضاء مدة النفي .. احنا بقى - حسب
تصورك - هنرجع نروح فين ??? الملكوت مثلاً اللي انت نفسك مش معترف
بيه ؟؟؟!!!! وبعدين ... ربنا ينفيننا ليه ؟؟؟ طيب ما كانش خلقنا اصلاً وريح
نفسه!!!! اما مثال القطعة دا ... فدا استشهاد ساذج لقصتك ... اللي
اشترى قطعة علشان تموت له الفيران دا انسان بشري عاجز مش قادر
يموت الفيران بنفسه ... لكن ربنا دا قايماً على كل شئ ... وخالق كل
شئ ...

- 22 -



ايه ذنب انسان موصلتهوش البشارة بالانجيل ان الله يدينه ويهلكه ??? هل من العدل ان الله يحاسب انسان بناء علي قوانين هو مسمعش عنها في حياته ??? وايه ذنب الأطفال الغير مسيحيين انهم يهلكوا ??? والمجنون اللي مش عارف هو مين اصلاً ازاي الإله الروؤف يهلكه ??? انتوا مصدقين ازاي ان إله بالمواصفات دي يبقي إلح حقيقي وبعث رسل وانبياء وكتب ؟؟؟!!!!

- نفس الطريقة المعتاده ... تهاجم من غير ما تفهم .. وتنتقد بشدة الصورة اللي انت تخيلتها ورسمتها في ذهنك عن الله وفي النهاية تسأل !! المفروض تسأل الأول وتفهم وبعدين اللي ميعجبكش تعترض عليه ... مش العكس ...

شوف يا سيدي ... بولس الرسول وضع قانون بخصوص الناس اللي موصلتهاش البشارة بالإنجيل ... وقال :

"لَأَنَّهُ الْأُمَمُ الَّذِينَ لَيْسَ عِنْدَهُمُ النَّامُوسُ، مَتَى فَعَلُوا بِالطَّبِيعَةِ مَا هُوَ فِي النَّامُوسِ، فَهَؤُلَاءِ إِذْ لَيْسَ لَهُمُ النَّامُوسُ هُمْ نَامُوسٌ لَأَنفُسِهِمْ،" (رو 2: 14)

الشعوب اللي معندهاش الناموس يعني الشريعة ... لما بضمائرهم
وانسانيتهم يعملوا الخير والحق اللي طبعاً نادت به كل التعاليم السماوية
سواء في العهد القديم أو الجديد .. الشعوب دي بالشكل دا تُحسب مثل الذين
عرفوا وطبقوا الناموس بالضبط بس الشعوب دي هيعرفوا ازاى انه في
إله للكون وان الإله دا عظيم و .. و ... !؟؟؟!

الله لا يترك نفسه بلا شاهد .. دا أولاً .. ثانياً : الله خلق كون ومجرات
وشموس وكواكب وكون فسيح وعظيم وطبيعة رائعة منظمة بمنتهى الدقة
ومناخ خلاب وكائنات حية مصممة بدقة متناهية والإنسان نفسه بتكوينه
وعقله وصفاته دليل على قدرة وعظمة خالق عظيم غير محدود ... شوف
كدا بولس الرسول رد إزاى على السؤال دا :

" لَأَنَّ غَضَبَ اللَّهِ مُعَلَّنٌ مِنَ السَّمَاءِ عَلَى جَمِيعِ فُجُورِ النَّاسِ وَإِثْمِهِمْ، الَّذِينَ
يَخْجِزُونَ الْحَقَّ بِالْإِثْمِ.

إِذْ مَعْرِفَةُ اللَّهِ ظَاهِرَةٌ فِيهِمْ، لَأَنَّ اللَّهَ أَظْهَرَهَا لَهُمْ،
لَأَنَّ أُمُورَهُ غَيْرَ الْمَنْظُورَةِ تُرَى مِنْذُ خَلْقِ الْعَالَمِ مُدْرَكَةً بِالْمَصْنُوعَاتِ، قُدْرَتُهُ
السَّرْمَدِيَّةُ وَلَا هَوْتَهُ، حَتَّى إِنَّهُمْ بِلَا عُدْرِ.

لَأَنَّهُمْ لَمَّا عَرَفُوا اللَّهَ لَمْ يُمَجِّدُوهُ أَوْ يَشْكُرُوهُ كَالِهٍ، بَلْ حَمَقُوا فِي أَفْكَارِهِمْ،
وَأَظْلَمَ قُلُوبُهُمُ الْغَيْبِ.

وَبَيْنَمَا هُمْ يَزْعُمُونَ أَنَّهُمْ حُكَمَاءُ صَارُوا جُهَلَاءَ،

وَأَبْدَلُوا مَجْدَ اللَّهِ الَّذِي لَا يَفْنَى بِشِبْهِ صُورَةِ الْإِنْسَانِ الَّذِي يَفْنَى،
وَالطُّيُورِ، وَالذَّوَابِّ، وَالزَّحَافَاتِ.

لِذَلِكَ أَسْلَمَهُمُ اللَّهُ أَيْضًا فِي شَهَوَاتِ قُلُوبِهِمْ إِلَى النَّجَاسَةِ، لِإِهَانَةِ
أَجْسَادِهِمْ بَيْنَ ذَوَاتِهِمْ.

الَّذِينَ اسْتَبَدَّلُوا حَقَّ اللَّهِ بِالْكَذِبِ، وَاتَّقُوا وَعَبَدُوا الْمَخْلُوقَ دُونَ
الْخَالِقِ، الَّذِي هُوَ مُبَارَكٌ إِلَى الْأَبَدِ. آمِينَ. (رومية 1 : 18 - 25

(... قدرة وعظمة الله تقدر من غير شريعة تعرفها من خلال
المصنوعات ...كلااااام واضح جدا ... اما الطفل فلازم تعرف انه
مستحيل الله يحاسب كائن غير مدرك لأبسط قواعد الإيمان هل
متخيل ان الله هيوقف طفل غير مسيحي قدامه عمره سنتين ويقوله
ازاي لم تؤمن بالإفخارستيا والمعمودية ؟؟؟!!! امال الطفل دا
ربنا هيحاسبه ازاي ؟؟؟! الله اعلم ... اما المجنون فليس للمجنون
حساب ..اطمن ...

